

Na osnovu člana 12. Zakona o Agenciji za privatizaciju ("Službene novine Federacije BiH", br.18/96 i 2/02), Upravni odbor Agencije za privatizaciju u Federaciji Bosne i Hercegovine, na 45. sjednici održanoj 23. novembra 2009. godine, donosi

**PRAVILNIK
O DOPUNAMA PRAVILNIKA O POSTUPKU PRODAJE
IMOVINE I DIONICA ILI UDJELA PREDUZEĆA**

Član 1.

U Pravilniku o postupku prodaje imovine i dionica ili udjela preduzeća (Prečišćeni tekst) ("Službene novine Federacije BiH", br.28/05 i 53/07) u članu 38. iza stava 1. dodaju se novi st. 2. i 3. koji glase:

"Izuzetno, za predmet aukcije čiji je prodavac preduzeće iz namjenske industrije, gotovinski dio uplate kupca nadležna agencija zadržava na svom računu.

Nadležna agencija će, novčanim sredstvima iz stava 2. ovog člana, izvršiti izmirenje obaveza preduzeća iz namjenske proizvodnje (prodavca) prema Federalnom zavodu za penzijsko i invalidsko osiguranje - Federalnom zavodu za mirovinsko i invalidsko osiguranje na osnovu ovjerene dokumentacije od strane preduzeća iz namjenske industrije (prodavca) i Federalnog zavoda za penzijsko i invalidsko osiguranje - Federalnog zavoda za mirovinsko i invalidsko osiguranje."

Član 2.

U članu 69. iza stava 1. dodaju se novi st. 2.i.3. koji glase:

"Izuzetno, za predmete tendera iz člana 43. stav 1. tačka 1) i 4) ovog pravilnika, čiji je prodavac preduzeće iz namjenske industrije, gotovinski dio uplate kupca nadležna agencija zadržava na svom računu.

Nadležna agencija će, novčanim sredstvima iz stava 2. ovog člana, izvršiti izmirenje obaveza preduzeća iz namjenske proizvodnje (prodavca) prema Federalnom zavodu za penzijsko i invalidsko osiguranje - Federalnom zavodu za mirovinsko i invalidsko osiguranje na osnovu ovjerene dokumentacije od strane preduzeća iz namjenske industrije (prodavca) i Federalnog zavoda za penzijsko i invalidsko osiguranje - Federalnog zavoda za mirovinsko i invalidsko osiguranje."

Član 3.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".